

Laibacher Diöcesanblatt.

Mr. IV.

Inhalt: 22. Epistola Pontif. ad Episcopos Borussiae, — 23. Apostolica Benedictio in articulo mortis. — 24. Decreta pro Indulgent. consecutione. — 25. Zum diesjährigen Jubiläum. — 26. Oesterreichischer Pilgerzug nach Lourdes. — 27. Literatur. — 28. Concurs-Verlautbarung. — 29. Chronik der Diöcese. — 30. Einjendung des Pränumerationspreises für das Diöcesanblatt.

1886.

22.

Epistola Sanctissimi Domini Nostri LEONIS PP. XIII

ad Archiepiscopos et Episcopos Borussiae.

Iam pridem Nobis in votis erat, Venerabiles Fratres, vos alloqui, ut de praesentibus rei catholicae in Germania conditionibus vobiscum ageremus. — Illud valde optabamus, singulari quadam ratione testari magnitudinem paternae caritatis ac studii, quo vos et dilectos vestros filios complectimur: simulque vobis gratulari de sollicitudine illa plane apostolica, qua vos omnes, Venerabiles Fratres, in gregem vestrum animatos inflammatosque conspiciamus. Intelligimus praesertim curas, quas constanter adhibuistis, ut catholici homines, fidei vestrae concrediti, nunquam se a virtute, a pietate, a salutis via abduci paterentur. — Maxime etiam cordi erat, vobis patefacere animi solatium atque oblectationem, quam percipimus tum ex summa voluntate, qua universi catholici homines Germaniae vobis adhaerescunt, vobisque dicto audientes sunt, tum ex disciplina et concordia, quae inter ipsos magis magisque invalescit.

Quod antea non licuit, placet praestare modo per hanc epistolam, quam ultro ad vos damus, spem bonam animo foventes fore ut, divinae Providentiae beneficio, cito dies affulgeat, qui religioni et Ecclesiae in Germania laeta meliorum rerum initia afferat.

Neminem vestrum latet, Venerabiles Fratres, mutuam concordiam, quae haud brevi annorum spatio inter hanc Apostolicam Sedem et Borussiae Regnum fauste feliciter intercesserat, magnis ex

improviso perturbationibus fuisse obnoxiam, ob eas praesertim latas leges, quibus catholici cives in grave discrimen et angorem adducti sunt. — At haec calamitas, quae Decessorem Nostrum fel. rec. Pium IX ac Nos etiam magno dolore affecit, occasionem praebuit, moderante Deo, quamobrem tum Pastorum tum Fidelium Germaniae virtus et in avita fide constantia maiorem in modum eluceret. Quae quidem virtus et constantia eo maiori commendatione digna est, quod cum illi strenuam causae Ecclesiae tuendae operam darent, nunquam a fide et obsequio maiestati Principis debito, nunquam a patriae caritate discesserint; et obrectatoribus suis re ipsa ostenderint, non civilium rationum respectu, sed religione officii, quae opus Dei sanctum et inviolatum haberi iubet, sese unice moveri. — Hinc factum est, ut summus ipse meritorum auctor ac remunerator Deus non modo in vos, Venerabiles Fratres, sed etiam in universum Dioecesium vestrarum populum amplissima bonitatis et gratiarum suarum munera effuderit. Eo enim opem suam largiente, licet, novarum legum causa, imminueretur in dies inter Borussiae fideles sacerdotum numerus, et in pluribus curialibus Ecclesiis deessent qui sacra fidelibus administrarent; licet viri fallaces, veterum catholicorum sibi nomine imposito, novas pravasque doctrinas serentes, discipulos post se abducere fraude deceptos cona-

rentur, vidimus tamen cum gaudio dilectos filios catholicos e Germania fidem patrum suorum integre firmiterque tenere; nusquam se insidiis magistrorum nequitiae pervios praebere; sed christiani animi magnitudine pericula vincere, et tanto maiore in Ecclesiam studio moveri quanto asperioribus molestiis eam exerceri conspiciebant.

Quibus ex rebus magnae virtutis et gloriae, dolorem a Nobis susceptum ob memoratas leges levare sensit; ac pio cordis affectu Deo laudes gratiasque egimus, qui filiorum suorum animis robur illud mirabiliter indiderat; et oblata occasione facere non potuimus, quin vestram istarumque catholicarum gentium virtutem merita commendatione palam ornaremus. — Sed Apostolico ministerio Nostro, quo vigilare cogimur, ne Ecclesiae status ullum detrimentum capiat, neu interior vita eiusdem Ecclesiae ullis perturbationibus obnoxia sit, ea omnia haud satis erant, nisi pariter quantum in Nobis auctoritatis et studii est, id omne ad removendas praesentium temporum difficultates contulissemus. Quapropter nulli pepercimus curae, nullum praetermisimus officium, ut eae leges revocarentur, quae diurnas Ecclesiae angustias, vobisque magnam laborum segetem pepererunt. Ac tantum Nobis studium fuit et inest adhuc animo restituendi solidis innixam fundamentis concordiam ac pacem, ut declarare supremis rerum Moderatoribus non omiserimus, propositum esse Nobis usque eo Nos morigeros eorum voluntati praebere, quo per divinas leges et conscientiae officium liceret. Quin immo hoc ipsum propositum Nos manifestis patefacere argumentis non dubitavimus; destinatumque animo habemus, nihil etiam in posterum praetermittere, quod restituendae firmandaeque concordiae conferre videatur.

At vero, ut hoc quod votis et spe Nostra prosequimur auspiciato contingat, praecipue curandum est, ut a publicis legibus exulent, quae contraria sunt rationibus catholicae disciplinae in eo, quod sanctius et antiquius pietati fidelium est; itemque quae libertatem impediunt Episcoporum propriam, Ecclesias suas regendi ad normas divinitus constitutas, atque instituendae in sacris Seminariis ad canonicarum sanctionum praescripta iuventutis.

— Quamquam enim sincero pacis studio teneamur, non tamen fas est Nobis contra ea, quae divinitus constituta et sancita sunt, quidquam audere; pro quibus profecto, si ad ea tuenda opus esset, extrema quaeque perpeti, exemplo Decessorum Nostrorum, non dubitarem.

Vos autem, Venerabiles Fratres, non ignari estis, quae sit intima Ecclesiae natura, et qualem ipsam divinus eius conditor constituerit, quaeque iura exinde dimanent, quorum vim convellere aut detrectare nemini licet. Nimirum uti Nos ipsi litteris Nostris encyclicis *Immortale Dei* nuperime declaravimus, Ecclesia societas est supernaturalis atque in suo ordine perfecta. Quemadmodum enim id sibi propositum habet, ut filios suos ad aeternam beatitudinem adducat, ita divinitus datis praesidiis et instrumentis est praedita, quibus eos aeternorum bonorum compotes faciat, inceptans in terris et in huius vitae militia aedificium, quod supremum fastigium supremumque decus est habiturum in caelis. Ad solam autem Ecclesiam pertinet statuere de iis, quae interiorem eius vitam spectant, cuius ratio a Christo Domino restitutore salutis nostrae fuit constituta. Hanc potestatem liberam et nemini obnoxiam unum penes esse Petrum et successores eius Christus iussit, ac sub auctoritate et magisterio Petri penes esse Episcopos in suis cuiusque Ecclesiis: quae Episcoporum potestas naturam suam disciplinam Cleri, tum in iis quae ad sacra munera, tum in iis quae ad sacerdotalis vitae rationem pertinent, praecipue complectitur: presbyterium enim Episcopo coaptatum est sicut chordae citharae¹⁾.

Cum porro sacerdotalis ordo, tam sublimis ministerii heres, aliis post alios succedentibus, nunquam sui dispar saeculorum cursu renovetur, cumque opus sit ut qui in hunc ordinem vocati sunt, sinceritate doctrinae et innocentia vitae quantum fieri potest, eorum vestigiis insistant, quos Christus primos fidei satores elegit, nemini dubium esse potest, non aliis quam Episcopis ius munusque esse docendi et instituendi iuvenes, quos Deus singulari beneficio ex hominibus assumit, ut sint ministri sui ac dispensatores mysteriorum suorum.

¹⁾ Ignat. M. Ep. ad Ephes. c. XV.

— Ac sane, si ab iis, quibus dictum est, docete omnes gentes, religionis doctrinam homines debent excipere, quanto validiori iure ad Episcopos cura pertinet, ea quam potiore duxerint ratione, eorumque docentium ope quos maxime probaverint, sanae doctrinae pabula tradendi iis qui pro suo ministerio sal terrae futuri sunt, et pro Christo apud homines legatione functuri? Nec solum hoc gravissimo munere obstringuntur Episcopi, sed eo insuper ut vigilantiam suam bono alumnorum sacri ordinis impertiant, eosque mature imbuant solidae pietatis sensibus, qua dempta, nec ii sacerdotii honore digni sunt, nec muneribus eius rite implendis pares esse possunt.

Vos certe, Venerabiles Fratres, ratione atque experientia edocti, optime nostis quam arduum sit, diuturni laboris opus tales iuvenes fingere et instituere. Cum enim qui primoribus annis Deum elegerunt in hereditatem suam ex Apostolorum Principis praecepto teneantur se ipsos vivam virtutis continentiaeque formam oculis christiani populi exhibere, ii mature discant oportet, sub magisterio Episcoporum ac delectorum moderatorum disciplina, cupiditatibus suis dominari, terrena despiciere, caelestia appetere, quorum et cogitatione muniti et amore inflammati, facilius possint inter mundi corruptelas caste integreque versari. Oportet insuper ut cito assuescant constanti et impavido esse animo in munere explicandae populis tuendaeque catholicae veritatis, quam mundus spernit ac pertinaci odio prosequitur. Quid sane, Venerabiles Fratres, expectandum esset, si cum tempora incidunt, quae vehementiorem postulant pro tuenda Ecclesiae causa dimicationem, sacri ordinis viri, sanctae disciplinae et caritatis ope, in id iampridem comparati non sint, ut Episcopis suis cum fide adhaereant, eorum excipiant voces, et aspera quaeque pro Iesu Christi nomine perferre non vereantur? Scilicet iuveniliū annorum disciplina, quae in Seminariis aliisque sacrae institutionis sedibus traditur, ea est qua sacrorum alumni, procul ab humanarum curarum aestu, ad apostolica ministeria rite obunda informantur, et ad quaeque vitae incommoda atque ad omne laborum genus laeto animo subeundum in salutem animarum. Ea est quae efficit,

vigilantibus ac praesidentibus Episcopis delectisque ab iis presbyteris diuturna sacrae disciplinae peritia spectatis, ut alumni discant aequa lance metiri vires suas et quid ipsae valeant agnoscant: ac Pastores vicissim, compertis cuiusque ingenii et moribus, scienter decernere possint, qui sint ex iis sacerdotii honore digni, et cavere ne quis immerito aut praepostere sacris ordinibus initietur. At qui poterunt huiusmodi salutare fructus haberi, nisi plena sacris Pastoribus sit facultas impedimenta removendi et opportunis ad id assequendum utendi praesidiis? — Qua in re, quoniam nationis vestrae homines, praeter alia ornamenta, armorum quoque gloria excellunt, passurine unquam essent qui rei publicae praesunt, ut qui iuvenes rudimenta militiae ad ducendos ordines et bellica munera administranda in militaribus institutis accipiunt, ab aliis potius quam a peritis bellicae artis scientiam armorum edicerent, atque ab aliis magis quam ab idoneis militiae magistris disciplinam castrorum, usum rerum et martios spiritus haurirent?

Ex his facile intelligitur cur a vetustissimis Ecclesiae temporibus Romani Pontifices et catholici Episcopi omnem curam gesserint, ut candidatis sacri ordinis contubernia constituerent, in quibus eos aut per se ipsi, aut probatis adhibitis magistris, quos interdum e sacerdotibus Cathedralis Ecclesiae legebant, ad litteras, ad severiores doctrinas et praecipue ad mores sua vocatione dignos excolerent. Adhuc hominum memoria celebrantur domus olim ab Episcopis et coenobitis clericis excipiendis apertae, atque inter eas illustris adhuc fama viget Patriarchii Lateranensis, ex quo, velut ex arce sapientiae et virtutis, Pontifices maximi et Antistites sanctimonia ac doctrina clari prodierunt. Ac tanti momenti hoc studium accuratae diligentisque clericorum disciplinae et tam necessarium visum est, ut iam inde ab initio saeculi sexti Synodus Toletana, de iis quos voluntas parentum a primis infantiae annis clericatus officio manciparat, statuerit observandum, ut mox cum detonsi vel ministerio lectorum contraditi essent in domo Ecclesiae sub Episcopali praesentia a Praeposito sibi deberent erudiri. — Inde liquet quam

gravi iustaque de causa vehementer contendamus, vestrarum Dioecesium Seminaria ad eas normas constitui, ordinari atque componi, quas Concilii Tridentini Patres, ut notum pervulgatumque est, tradidere. Nec alia profecto fuit causa cur Apostolica Sedes, cum inter romanos Pontifices et supremos rerum publicarum Moderatores pactionum foedera pro variis temporum rationibus inita sunt, diligenter in iis cautum consultumque sacris Seminariis voluit, et Episcoporum ius in iis regendis, alia quavis potestate exclusam, sartum tectumque esse curavit. Cuius rei perspicuum inter alia documentum praebent Apostolicae litterae, quarum initium De salute animarum, quae a fel. rec. Pio VII Decessore Nostro die decima octava Iulii anno MDCCCXXI editae fuere, conventionem ab Eo inita cum Borussiae Rege, in qua de nova Dioecesium descriptione agebatur.

Sit igitur integrum, sit liberum ius et potestas Episcopis in Seminariorum palaestra mansuetae Christi militiae fingendae conferre operam; sit integrum sacerdotes iudicio suo deligere alios aliis ministeriis praeficiendos, ac nulli impedimento obnoxios pastorali suo munere tranquille perfungi.

Ex his autem, quae ediximus, videtis, Venerabiles Fratres, quam vere iusteque declaratum a Nobis fuerit, ad faustam stabilemque concordiam, summis votis tamdiu expetitam, inter potestatem utramque ineundam, opus esse latas leges ita componi, ut necessaria ad vivendum agendumque libertas Ecclesiae salva supersit. Ac Nos confidimus viros qui rei publicae gubernacula tenent, aequos se causae nostrae praebituros, eaque Nobis praestituros, quae vi sanctissimorum iurium postulamus.

Nec vero postulata Nostra talia sunt, ut ex iis quidquam imperantibus de sua dignitate et potestate decedat; quin immo ex ipsis magnae in bonum publicum solidaeque dimanant utilitates. Quae enim a vobis, Venerabiles Fratres, et a cooperatoribus vestris in ministerio verbi populis documenta traduntur in iis, quae ad eorum officia erga civilem auctoritatem pertinent, huc maxime redeunt: scilicet omnem animam potestatibus sublimioribus subditam esse debere non solum propter iram, sed etiam propter con-

scientiam¹⁾; publica onera aequo animo ferenda; a turbulentis conciliis et molitionibus abstinendum; caritate fraternitatis invicem dilectionem exhibendam, mutuaeque officia in hominum societate cum fide servanda. Quod si maior, quam nunc est, cooperatorum vestrorum evaderet numerus, ex hoc incremento una etiam eorum augetur manus, quorum est tam salutaria humanae societati documenta in populos propagare; simulque facilius possent destitutae iamdiu rectorum suorum solatio paroeciales ecclesiae probatorum sacerdotum curae committi: quod catholicorum vota maxime flagitant.

Sunt praeterea, ut nostis, Venerabiles Fratres, in humanae societatis sinu plura publicarum perturbationum semina, veluti passim dispositi ignes, qui saevum minitantur incendium, in quibus praecipue se effert operariorum causa, quae rei publicae moderatorum sollicitos habet animos, rationem quaerentium qua impendentibus periculis occurrant, viamque obstruant sectarum asseclis, qui in omnem occasionem excubant crescendi ex publicis malis, resque novas, magno cum rei publicae detrimento, moliendi. — Atqui mirum est quantum hac ipsa in re de humana societate mereri Ecclesiae ministri, opera sua, possunt; quod et in aliorum temporum procellis et calamitatibus scimus contigisse. Sacerdotes enim, qui pro sui ministerii ratione cum inferiorum ordinum hominibus quotidianam pene consuetudinem habent et cum iis solent familiariter intimeque versari, labores et dolores penitus norunt eius generis hominum; saucia eorumdem corda propius intuentur; et opportuna auxilia, documenta ex divinae religionis fontibus depromentes, nati apti sunt ea solatia et remedia aegris animis afferre, quae maxime praesentium malorum lenire sensum, fractas revocare vires possunt, et praecipites in turbulenta consilia animos compescere.

Nec minus insuper validam utilemque operam sacri ordinis viri eo imbuti spiritu, quem Ecclesia ministris suis indit, navare possunt in iis regionibus longe dissitis et a civili cultu remotis, in quibus colonias statuere plures Europae principes hoc tempore instituerunt. — Ipsi rei germa-

¹⁾ Rom. XIII, 5.

nicae Gubernatores non modo certatim curant colonias deducere, possessionesque ampliare, sed etiam novos aditus industriae et mercaturis faciendis patefacere. Iidemque de humanitate gentium hoc etiam nomine optime merebuntur, quod nitantur tribus immanes et feras urbanis moribus atque artibus expolire. — Magni autem refert ad rudium et incultarum gentium demerendos animos voluntatesque conciliandas, eas confestim salutaria religionis praecepta edocere, ad veram recti honestique speciem intuendam adducere, et dignitatis filiorum Dei conscias efficere, ad quam ipsae etiam, Sospitatoris nostri meritis, vocatae sunt. Quas res maxime propositas animo habentes romani Pontifices, Evangelii praecones ad incultos populos mittere sedulo naviterque curarunt. Ac sane opus, de quo agitur, non exercituum, non civilium magistratum, neque dominantium est, quamquam ipsi fructum ex eo uberrimum capiunt; sed illorum, uti testatur historia, est hominum, qui ex Ecclesiae castris prodeuntes, sacrarum expeditionum labores et pericula sibi suscipiunt, ac velut nuncii et interpretes Dei, inter barbaras gentes migrare non verentur, vitam et sanguinem fratrum saluti libenter largituri.

Haec omnia Nos animo reputantes et cogitatione complectentes, in spem adducimur fore ut, Deo aspirante et favente, vota Nostra optato exitu fortunentur. Vos autem, Venerabiles Fratres, peragite assiduis ad Deum precibus idipsum implorare. Cumque animi vestri non humanis cupiditatibus et consiliis sed unice divinae gloriae studio et amore erga Ecclesiam agantur, dubitandum non

est quin, divina opitulante gratia, dignam constantiae vestrae mercedem referatis.

Et quoniam in omnibus rebus ad prosperos earum exitus, magna semper vis fuit coniunctionis animorum mutuaeque caritatis, nihil sit vobis antiquius, quam sanctum caritatis vinculum inter vos omni studio tueri. Qua in re illud etiam vos perpendere volumus, Venerabiles Fratres, eas perturbationes quibus obnoxii estis, tales esse, ut non magis proprias singularum Dioecesium, quam communes universae Ecclesiae rationes attingant: quarum tutela, ut nostis, huic Apostolicae Sedi commissa est, in qua suprema potestas Ecclesiam regendi, supremum eius magisterium, et catholicae unitatis centrum est constitutum. In hanc igitur Apostolicam Cathedram vestri perpetuo coniecti sint oculi; ac vobiscum reputate, nihil ipsi esse potius, quam curam omnem operamque conferre, ut concertationibus, quae in ista regione vigent, finis tandem, uti vos vestraeque procurationis fideles optant, imponatur.

Patrem denique misericordiarum ex intimo corde adprecantes, ut respiciat labores et dolores vestros, atque communibus votis propitius annuat, Apostolicam benedictionem, praecipuae Nostrae dilectionis testem auspicemque praesidii et solatii caelestis, vobis Venerabiles Fratres, universoque Clero et fidelibus cuiusque vestrum fidei concreditis, peramanter in Domino impertimus.

Datum Romae apud S. Petrum, die VI. Ianuarii anno MDCCCLXXXVI. Pontificatus Nostri Octavo.

23.

Apostolica Benedictio in Articulo Mortis.

Vir E. mus sacri Consilii christiano nomine propagando Praefectus Sac. huic Congregationi Indulgentiis Sacrisque Reliquiis praepositae referebat, pluribus in Regionibus Sac. Congregationi de Propaganda Fide subiectis, morem invaluisse, ab inopia Sacerdotum repetendum, ut hi quum non possint infirmis adsistere usque ad ipsum articulum mortis,

Benedictionem Apostolicam cum Indulgentia plenaria *in articulo mortis* eisdem impertiantur, post collata extrema Sacramenta, quum periculum quidem mortis adest, non tamen imminens. Quoniam vero haec agendi ratio anxietates et dubitationes in animos Missionariorum induxit, E. mus Praefectus postulabat authenticam hac de re declarationem s. huius

Congregationis, quae pro maiori Missionariorum quiete quamlibet incertitudinem removeret.

Quare sequens dubium Patribus Cardinalibus dirimendum fuit propositum:

Utrum Benedictio Apostolica cum Indulgentia plenaria in articulo mortis dari possit post collata extrema Sacramenta, quum periculum quidem mortis adest, non tamen imminens?

E.mi ac R.mi Patres in generali Congregatione habita die 18. Decembris 1885 in Aedibus Vaticanis responderunt:

Affirmative:

quam responsionem *ex rei natura* pro omnibus

aegrotis Christifidelibus in mortis periculo constitutis valere dixerunt.

Facta vero de his relatione in audientia habita die insequenti a subscripto Secretario, SS.mus D. N. Leo PP. XIII Patrum Cardinalium responsionem approbavit.

Datum Romae ex Secretaria eiusdem S. Congregationis die 19. Decembris 1885.

I. B. Card. ERANZELIN,
Praefectus.

FRANCISCUS DELLA VOLPE,
Secretarius.

24.

Decreta pro Indulgent. Consecutione.

Ill.mus ac Rev.mus D. Caspar Mermillod, Episcopus Lausanensis et Genevensis, quum adhuc Episcopus erat Hebronensis et Genevae Apostolicus Administrator, S. Congregationi Indulgentiis Sacrisque Reliquiis praepositae, pro obtinendis nonnullis generalibus Indultis ad Indulgentias lucrandas, sequentia *Postulata* exhibebat:

I. *Ut conditio, visitandi Ecclesiam pro lucrands Indulgentiis generice saepe praescripta, adimpleri possit a personis utriusque sexus in communitate et sub regula viventibus, visitando Oratorium domesticum.*

II. *Ut infirmi aut senio confecti in communitate et sub regula viventes, qui Ecclesias aut Oratoria visitare aliave pro Indulgentiis praescripta exequi non possunt, Indulgentias nihilominus lucrari valeant, adimplendo alia pia opera Confessarii arbitrio praescribenda.*

III. *Ut in casu, quo morale aliquod impedimentum adsit, prudenti Confessarii arbitrio diiudicandum, visitandi aliquam Ecclesiam (ex. gr. Regularium aut Parochialem), quae de iure visitanda foret ad aliquam Indulgentiam lucrandam, haec visitatio designatae Ecclesiae arbitrio Confessarii commutari possit in aliud pium opus (ex. gr. in visitationem alterius Ecclesiae).*

IV. *Ut 1° aliqua Indulgentia concedatur Christifidelibus pie ac devote recipientibus bene-*

dictionem a Sacerdotibus praesertim neomytis; et 2° ut aliqua pariter Indulgentia concedatur pie ac devote assistentibus primae Missae Neosacerdotum.

Post E.morum et Rev.morum Patrum Cardinalium responsiones in Congregatione diei 18. Decemb. 1885 in Aedibus Vaticanis datas, SS.mus D. N. Leo Papa XIII in Audientia ab infrascripto Secretario habita die 16. Ianuarii 1886 ad *Postulata* supra exposita benigne annuit modo sequenti:

Ad I^m *Non expedire.*

Ad II^m *Affirmative.*

Ad III^m *Negative.*

Ad IV^m *Ad primam partem Negative: ad secundam partem concedere dignatus est, servatis de iure servandis, Indulgentiam Plenariam Sacerdoti primum Sacrum facienti eiusque consanguineis ad tertium usque gradum inclusive, qui primo eidem Sacro interfuerint; ceteris vero Christifidelibus adstantibus Indulgentiam septem annorum totidemque quadragenarum.*

Praesenti in perpetuum valituro absque ulla Brevis expeditione. Contrariis quibuscumque non obstantibus.

Datum Romae ex Secretaria S. Congregationis Indulgentiarum et SS. Reliquiarum die 16. Ianuarii 1886.

I. B. Card. FRANZELIN, *Praefectus.*

FRANCISCUS DELLA VOLPE, *Secretarius.*

Zum diesjährigen Jubiläum.

I. Im Nachhange zur Anordnung im „Diöcesanblatt“ 1886. III. 10 (Punct III. 2. S. 23) wird hiemit erklärt, daß dort, wo drei (3) Kirchen je zweimal zu besuchen sind, durch Theilnahme an einer einzigen Prozession allen 6 Kirchenbesuchen Genüge geschehen kann. Im übrigen ist sich nach der citirten Anordnung zu halten.

II. Entscheidung der S. Poenitentiaria.

Beatissime Pater. Episcopus N., ad pedes Sanctitatis Vestrae humiliter provolutus, occasione Iubilaei nuper indulti, sequentia expostulat:

I. An valeant pro dicto Iubilaeo declarationes Sacrae Poenitentariae Apostolicae die 25. Martii 1881 editae?

II. Quatenus renoveantur dictae declarationes, supplicat: 1° Ut opera pro Iubilaeo iniuncta, vel eorum aliqua, Confessarius non semel tantum, sed pluries, erga volentem Iubilaeum pluries lucrari, commutare possit; 2° Ut ea commutare et super communione cum pueris communionis nondum capacibus dispensare valeat etiam extra actum sacramentalis confessionis; 3° Ut iis qui cum fidelibus ex altera paroecia eiusque Parocho vel sacerdote rite deputato templa processionaliter visitant, applicari possit ab Ordinario beneficium reductionis visitationum.

III. Cum Bulla indictionis Iubilaei statuatur tria templa ab Ordinariis aut de eorum mandato ab iis, qui curam animarum exercent, pro visitationibus peragendis esse designanda, an Episcopus consulto a designatione abstinere possit, et mandare singulis Parochis civitatis aut loci, ut templa a suis parochianis visitanda designent? Ita forsitan a commoditati fidelium consulatur, cum certum sit a singulis Parochis varia templa, et paroeciae propriae respective viciniora, designanda fore.

IV. An ipse Episcopus possit varia templa a singulis civitatis aut suburbiorum paroeciis visitanda designare?

V. An fidelis possit ad lucrandum Iubilaeum ecclesiam vel ecclesias loci, in quo non habet domicilium aut quasi domicilium, visitare?

VI. An censeatur processionaliter facta, idemque sufficiat ad beneficium reductionis visitatio

ecclesiae peracta prout sequitur? Fideles ad ecclesiam stationalem indicatam e propria domo privatim singuli accedunt; eis in templo congregatis, elevatur crux, et sacerdos qui processioni praeesse debet, una cum fidelibus preces iniunctas in commune recitat; dein, cruce praeunte, processionaliter ad aliud templum visitandum omnes exeunt.

VII. An valeat pro praesenti Iubilaeo absque nova declaratione responsio Sacrae Poenitentariae Apostolicae anno 1875 pluries data, vi cuius, quatenus processiones fieri nequeant more solito, sufficit collegiis, ad beneficium reductionis obtinendum, ecclesias absque cruce et solitis paramentis sacris, singulis in vestimentis non choralibus incedentibus, ecclesias in commune adire, preces in commune recitando?

VIII. Utrum qui, confessario in consilium non adhibito, eleemosynam praescriptam pro sua vere facultate erogat, lucretur Iubilaeum? Utrum qui eleemosynam suis facultatibus non proportionatam?

IX. Ut navigantes et iter agentes prorogatione Iubilaei frui possint, an requiratur ut per totum annum 1886 a loco domicilii absentes fuerint vel in certam stationem se non receperint? An sufficiat ut per sex menses, vel, Iubilaeo nondum lucrato, in fine anni per mensem vel duos menses absentes, etc., ut supra, fuerint?

X. Quodnam intervallum navigantibus seu iter agentibus, post reditum in locum domicilii vel accessum ad stationem fixam, concedatur ad implendum opera iniuncta? An spatium unius anni, an idem temporis intervallum quo per annum Iubilaei navigaverunt seu iter egerunt?

XI. Cum Bulla indictionis Iubilaei concedatur eligi confessarium *ex actu approbatis*, nec addatur *ab Ordinariis locorum*, an possit regularis regularem sacerdotem a solo superiore regulari et non ab Ordinario loci approbatum eligere, atque ab eo privilegiorum vel facultatum Iubilaei applicationem recipere?

Et Deus. N . . . die 29. Decembris 1885.

Sacra Poenitentiarum de speciali et expressa Apostolica Auctoritate, benigne sic annuente SSmo Dno Nostro Leone PP. XIII propositis dubiis respondet:

Ad I: Provisum per novas declarationes die 15. Ianuarii 1886 editas.

Ad II: Quoad 1^m, Confessarios hac facultate non carere; quoad 2^m, Non expedire¹⁾; quoad 3^m, Sacra Poenitentiarum declarat posse.

Ad III: Affirmative.

Ad IV: Clarius explicet.

Ad V: Provisum per declarationes Sacrae Poenitentiarum ut supra.

Ad VI: Stet epistolae indictionis Iubilaei.

Ad VII: Affirmative.

Ad VIII: Confessarii consilium adhibendum esse ab iis, qui de quantitate stipis sibi conveniente dubitant. Quantitatem vero ipsam eatenus debere singulorum facultati respondere, quatenus quae sufficit pauperibus, non sufficit divitibus.

Ad IX et X: In praesenti Iubilaeo nihil de prorogatione proponi.

Ad XI: Affirmative.

Datum Romae in Sacra Poenitentiarum die 30. Ianuarii 1886.

R. Card. Monaco P. M.

Hip. Canonicus Palombi, S. P. Secr.

III. Ueber die „Bedingungen zur Gewinnung des Jubiläums 1886“ brachte die „Linzer-theologisch-practische Quartalschrift“ im Heft II. d. J. S. 308 einen sehr lesenswerthen Aufsatz. Daraus mögen folgende Punkte hier angeführt werden.

1. Die beiden Fasttage brauchen nicht in einer Woche gehalten zu werden.

2. In den Diöcesen, in welchen Dispens eingetreten ist, kann das Jubiläumsfasten nicht gehalten werden an allen Tagen, an welchen schon Fast- und zugleich Abstinenztag ist. Denn an diesen Tagen sind wir schon zu dem ganzen vorgeschriebenen Werk ex alio titulo verpflichtet.

3. Wer nach dem Kirchengesetz vom Fasten befreit ist, wie die Kinder, Greise u. s. w. muß doch zur Gewinnung des Jubiläums zwei Fast-

¹⁾ Aus diesem ablehnenden Bescheide geht hervor, daß die Dispensirung der Kinder von der hl. Communion ebenso wie die Umänderung der einzelnen Ablasswerke nur in actu sacramentalis confessionis vorgenommen werden kann.

tage halten. S. Congr. Indulg. d. 10. Juli 1869 (Decr. auth. n. 426.); Theod. a. Sp. S. c. 6. §. 2. n. 1.

4. Wer für das gewöhnliche Fasten persönlich dispensirt ist, kann beim Jubiläumsfasten keinen Gebrauch von dieser Dispens machen. (S. Poenit. d. 15. Jan. 1886.)

5. Zur Commutation des Jubiläumsfasten ist eine causa gravior nothwendig als zur Dispensation von dem gewöhnlichen Fasten. (Viva, de jubileo q. 8. a. ult. n. 4.) Der Beichtvater kann also nicht gleich commutiren aus dem einfachen Grunde, daß Jemand das 21. Lebensjahr noch nicht zurückgelegt hat; es muß auch eine erhebliche Schwierigkeit obwalten.

6. Wer in Folge der Commutation beim Jubiläumsfasten Fleisch essen darf, darf nicht Fisch und Fleisch bei derselben Mahlzeit genießen. — S. Congr. Indulg. d. 10. Julii 1869. (Decr. auth. n. 425.)

7. Wo der Genuß von Eiern und Milchspeisen beim Jubiläumsfasten indulgirt ist, darf man auch zugleich Fische genießen. (Benedictus XIV Epist. ad Archiep. Compostellan. d. 10. Junii 1745.)

8. Es muß eine eigene Jubiläumsbeicht abgelegt werden. — Jene welche wöchentlich beichten, können alle in diese Woche fallenden Ablässe gewinnen, bei Verleihung dieses Indultes hat aber die Congregation ausdrücklich den Jubiläumsablaß ausgenommen — S. Congr. Indulg. d. 9. Dec. 1763. (Decr. auth. n. 231.)

9. Wer schwere Sünden gebeichtet und ohne Absolution fortgeschickt wird, braucht nicht die schon erfüllten übrigen Bedingungen zu wiederholen, wenn ihm später die Absolution ertheilt wird. — S. Congr. Indulg. d. 28. Nov. 1759 (Decr. auth. n. 217.)

10. Das Almosen ist einem guten Werke, welches der Ausbreitung und dem Wachsthum des katholischen Glaubens dient, zuzuwenden. (Jubiläumsbulle.) Das Almosen irgend einem guten Werke zu geben, wie es 1881 genügte, genügt dieses Jahr nicht; es muß dem obgenannten Zweck dienen. Noch viel weniger genügt es einem Armen Almosen zu geben. — Der heil. Vater empfiehlt besonders die aus Privatmitteln errichteten katholischen Schulen und Seminarien; schließt aber andere der Verbreitung des Glaubens dienende fromme Werke nicht aus.

11. Es genügt nicht ein beliebiges Almosen diesen Werken zuzuwenden, sondern es muß dem Vermögen der einzelnen entsprechen. — Da beim Jubiläum 1879 der heil. Vater ganz unbestimmt vorschrieb: „aliquam eleemosynam — prout univ. devotio suggeret“ und 1881: „quidquam conferant,“ so genügte damals an und für sich jedweder Bei-

trag. (S. Alphonsus l. 6. n. 538 qu. XI.) Dieses Jahr aber verlangt Leo XIII. „stipem aliquam pro sua quisque facultate“; für einen Armen kann also ein wenig gegeben, nicht so für einen Reichen. (Theod. a. Sp. S. c. 6. §. 5. n. 2 S. Alph. l. c.)

12. Auch der Aermste ist zum Jubiläumsalmosen verpflichtet; ist es ihm aber nicht möglich, so muß er um Commutation bitten.

(Theod. a. Sp. S. c. 6. §. 5 n. 4. — S. Alphonsus l. 6. n. 538. 9. XI, dub. 1°.)

13. Für die Religiösen, Kinder, Gattinen u. s. w. können die Oberen, Eltern, Gatten das Almosen geben; erstere müssen es aber wissen. (S. Alph. l. c. Theod. a. Sp. S. l. c. n. 5). Weigern sich die Oberen u. s. w. das Almosen zu geben, so müssen die Untergebenen Commutation erbitten.

26.

Oesterreichischer Pilgerzug nach Lourdes und Paray-le-Monial in Frankreich.

In jüngster Zeit bildete sich in Wien unter dem Protectorate Sr. Eminenz des dortigen hochwürdigsten Cardinal-Fürsterzbischofes ein Comité zur Förderung des Unternehmens eines gemeinschaftlichen Pilgerzuges oesterreichischer Katholiken nach Lourdes, wo die gebenedeite Gottesmutter sich im Jahre 1858 in achtzehn huldvollen Erscheinungen gnädigst vom Himmel herabließ und zur Bekräftigung des Glaubensfases der unbefleckten Empfängniß die Worte sprach: „Ich bin die unbefleckte Empfängniß“; und sodann nach dem Heiligthume des göttlichen Herzens Jesu in Paray-le-Monial, wo eben das zweite Centennarium vom 21. Juni d. J. an gefeiert werden wird zur dankbaren Erinnerung an die Offenbarungen des göttlichen Meisters an die selige Margaretha Maria Alacoque.

In Hinblick auf den Ruf der unbefleckt empfangenen Himmelskönigin im Jahre 1858 in der Grotte von Massabielle bei Lourdes zu einem kleinen schwächlichen Mädchen Bernadette: „Ich will, daß man in Processionen hieher komme; ich wünsche meine Kinder hier zu sehen!“ — dann in Hinblick auf die vielen unleugbaren Wunder, die in Lourdes geschehen sind und endlich auf die Wohlthaten, die wir vom heiligsten Herzen Jesu durch die Fürbitte der Unbefleckten empfangen, hegt das gedachte Comité in seinem diesbezüglichen Aufrufe zur Betheiligung an dem Pilgerzuge vom 10. Mai d. J. die Hoffnung, daß recht Viele einen heiligen Stolz dareinsetzen werden, der Lieben Frau in Lourdes persönlich eine prachtvolle Motivfahne als Tribut der Liebe und Verehrung der katholischen Völker Oesterreichs zu Füßen zu legen, welche sich dort würdig reihe an die vielen Hunderte von Weihgeschenken, mit denen fast alle Länder des katholischen Erdkreises die herrliche Kirche Nôtre-Dame de Lourdes geschmückt haben und noch zieren.

Se. Heiligkeit Papst Leo XIII. hat mittelst Breve vom 30. März 1886 den Mitgliedern des Pilgerzuges nach dem Heiligthume Unserer Lieben Frau von Lourdes folgende Ablässe verliehen: 1. einen vollkommenen Ablass jenen Christgläubigen, welche an einem beliebigen Tage während der Pilgerreise die heiligen Sacramente der Buße

und des Altares empfangen; und 2. einen vollkommenen Ablass jenen, die nach vollendeter Pilgerfahrt und Empfang der heiligen Sacramente eine Kirche oder Grotte mit der Statue der heiligen Jungfrau von Lourdes besuchen und daselbst ihre Gebete nach der Intention des heiligen Vaters für die Eintracht der christlichen Fürsten, die Ausrottung der Häresien und Bekehrung der Sünder andächtig verrichten. Diese Ablässe können auch den Seelen der Christgläubigen im Fegefeuer fürbittweise zugewendet werden.

Der Pilgerzug geht in Wien (Westbahnhof) ab am 9. August d. J. und wird mindestens vierzehn Tage in Anspruch nehmen. Die Stunde der Abfahrt wird den Theilnehmern später bekanntgegeben werden. Die Reiseroute führt über Salzburg, Innsbruck, Arlberg, Zürich, Genf, Lyon und Cette nach Lourdes (dreitägiger Aufenthalt). Von da nach Cette, Paray-le-Monial (eintägiger Aufenthalt), Lyon, Genf, zurück nach Wien.

Die Fahrkarten kosten (ohne Verpflegung) für die ganze Reise (Tour- und Retour) bei den durch die in- und ausländischen Bahnverwaltungen gütigst gewährten Preisermäßigungen per Person für die erste Wagenklasse 130 fl. ö. W., für die zweite 92 fl. und die dritte 65 fl. ö. W. Freigepäck wird auf den ausländischen Bahnen nicht gewährt. Die Rückreise von Paray kann auch einzeln gemacht werden. Die Theilnehmer werden ersucht, den Betrag für die gewünschte Wagenklasse nebst dem auf die Person entfallenden Beitrag für die Motivfahne von mindestens 10 fl. ö. W. und einem von dem Pfarramte ausgestellten Certificate oder einer Empfehlung von einem Comitémitgliede bis längstens 1. Juli d. J. an die Kunsthandlung Johann Heindl, Wien, I. Stephansplatz Nr. 7, einzusenden.

Da in der Schweiz und in Frankreich die Goldwährung besteht, wolle Jeder mit dem nöthigen Gelde in Frankstücken sich versehen. Um den Theilnehmern in den verschiedenen Kronländern einen billigen Anschluß an den Pilgerzug zu verschaffen, wurde bereits an die verschiedenen oesterreichischen Bahngesellschaften das Ansuchen gestellt, auf den bezüglichen Strecken Fahrbegünstigungen zu gewähren.

27.

Literatur.

Keršanski junak, za slovenske vojake in sploh za katoliške mladenče, spisal L. Jeran. Im Verlage des Buchbinders M. Gerber in Laibach. Dieses Büchlein enthält in gedrängter Kürze geeignete Gebete, gediegene Belehrungen und gutgewählte Beispiele. Es kann dasselbe

einem jeden Soldaten bestens empfohlen werden als Ermahnung, daß er auch im Felde und in der Kaserne dem katholischen Glauben und Sittengesetze treu bleiben solle; das Büchlein bietet dem Soldaten auch eine Quelle des Trostes in den Beschwerden des militärischen Lebens.

28.

Concurs - Verlautbarung.

Die dem Patronate des Allerhöchsten Landesfürsten unterstehende Pfarre Fuzine, im Decanate Radmannsdorf, ist durch Resignation in Erledigung gekommen.

Die vom Patronate des Allerhöchsten Landesfürsten abhängige Pfarre Hrenovice, im Decanate Adelsberg, steht in Folge Beförderung in Erledigung.

Die Pfarre Verh, im Decanate Idria, ist durch Todfall erledigt worden.

Die Gesuche um diese drei Pfarren sind an die hohe k. k. Landesregierung für Krain in Laibach zu stilisieren.

Die Pfarre Rob, im Decanate Reifnitz, ist ebenfalls durch Todfall in Erledigung gekommen.

Die Bittgesuche um die Pfarre Rob sind an die löbliche Inhabung der Herrschaft Auersperg zu richten.

Der Competenz-Termin für alle vier Pfarren wird peremptorisch auf den 12. Juli festgesetzt.

29.

Chronik der Diöcese.

Seine k. und k. Apostolische Majestät haben mit Allerhöchster Entschliebung vom 7. Mai 1886 den Militärpfarrer in Graz, Herrn Mikolauš Zitz, zum Ehrenböhern des Cathedral-Capitels in Laibach allergnädigst zu ernennen geruht.

Herr Dr. Georg Sterbenc, Pfarrer in Hrenovice, wurde auf die ihm verliehene Pfarre Leskovec am 28. Mai d. J. canonisch investirt.

Herr Josef Močilnikar, Pfarradministrator in Koprivnik, wurde als Pfarrcooperator nach Žuzemberk übersezt.

Herr Johann Belec, Pfarrer in Fuzine, wurde über eigenes Ansuchen in den zeitlichen Ruhestand versetzt.

Gestorben sind die Herren: Josef Zelene, pens. Pfarrer von Mariathal in Cilli, am 6. Mai; Primus Jan, Pfarrer in Rob, am 21. Mai; Valentin Lah, Missionär zu Dubica in Bosnien, am 24. Mai, und Johann Skubic, pens. Pfarrer in Mirna Peč, am 29. Mai 1886. — Dieselben werden dem Gebete des hochw. Diöcesan-Clerus empfohlen.

30.

Einladung zur Einsendung des Pränumerationspreises für das „Laibacher Diöcesanblatt“.

Den Pränumerationspreis für das „Laibacher Diöcesanblatt“ pro 1886 im Betrage pr. 2 fl. 50 kr. wollen

die P. T. Herren Abonnenten mittelst Postanweisung an die fürstbischöfliche Ordinariats-Kanzlei einsenden.

Vom fürstbischöflichen Ordinariate Laibach am 1. Juni 1886.